



- **Sontada dal Consei Pastoral en dedemesaledema ai 5 d'aorí, ales 20:00.** Al gnará baíe de: tomp da Pasca, prozesciuns (Valsperch, dis dles crusc, ...), San Florian, Pröma Santa Comegnun y Confermaziun.
- **Iolan y Dio s'al páii** dl'oferta por le KVV (19.3.) patronat KVV Balsan 250,00 €, KVV La Pli 125,00 € y dl'oferta por le Kassian-Tschiederer-Werk (26.3.) 218,00 €.
- **Consei de Formaziun: „Ma ci che an conesc, á ince na valüta“.** Sot a cösc moto organisieia le Consei de Formaziun döes seres d'enformaziun sora **i libri de calogna d'La Pli**. La pröma é **en dedemesaledema, ai 5 d'aorí** sora la biblioteca, olache Giovanni Mischí dará informaziuns y olache an ará la poscibilité da ciaré ete tai libri co é danman. **En lõnesc, ai 10 d'aorí** cuntará Jep Agreiter de Brach sora l'arhif. Ince atló arán la poscibilité da ciaré ete tai libri. Les döes seres ven tignides te calogna ales 20:00. Düc é enviés!



## enformaziuns y termins

**8promile / 5promile:** la diozeja preia do nosta firma sön la detlaraziun dla culta por le 8promile ala Dlijia y ince por le 5promile a ben de istituziuns co sosten le voluntariat.

**KVV Senioreclub:** an met endô man da jí a pe, vigne pröm y ultimo dedemesaledema dal mens. Ai 5 d'aorí peiun ia ales 9:20 con le Mareobus (Cone) por jí a Bornech. Da enló ennant ván ala Lamprechtsburg cina Raiscia a pe. Al é saorí da jí.

**Nosc spiné:** düc é enviés a n domisdé de informaziun con la fisioterapista Gius Giuseppina sora l'empordanza de conesce, capí y sconé nosc spiné a ma moda da prevení y curé le me de spiné. I s'aspetun en jöbia, ai 6 de aurí 2017 ales 15:00 tl'entrada dla Ciasa de Palsa a San Martin de Tor.

**“Un pozzo per la vita, aiutiamo l’Africa in Africa”**, é le tema de na sera de informaziun y sensibilizaziun, en jöbia ai 6 de aorí, ales 20:00 tla scora mesana da La Ila. Al sará Alpidio Balbo (fondadú) y Roberto Vivarelli (president) dal Gruppo „Missionario di Merano“ co mostra y cunta söes bones esperionzes. Le KVV-La Ila envieia düc der bel a cösta enteressanta y emportanta encuntada.

<b>Döt le bun a:</b>	Giovanna Pedevilla, Bornech	04.04.1934
	Gustl Winkler	04.04.1937
	Pasquale Pedevilla	04.04.1942
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina al dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



# Plata dla Ploania

## La Pli de Mareo

### Santa Maria dal Bun Consei

Ploian: Signor Heinrich Perathoner  
E-mail: ploania@gmx.net

Calogna Al Plan: 0474 501006  
Radio de Ploania: 93,00 Mhz



VAL BADIA  
www.unitepastorala.org

## Chelbeldio dij de sciö ala vita


📖 Ez 37, 12b–14 | Rom 8, 8–11 | Jan 11, 1–45

### Dal Vangelo do San Jan:

[...] <sup>17</sup>Canche Gejú ea roé danló, ál ciáfé Lázarus co ea belo cater dis te fossa. <sup>19</sup>Trec iüdes ea gnüs da Marta y Maria a les consolé por so fre. <sup>20</sup>Canche Marta á aldí che Gejú ea tal gní, ti éra jüda adancuntra, mo Maria ea romagnüda te ciasa. <sup>21</sup>Marta ti á dit a Gejú: Signur, sce te fosses sté atló, ne foss mio fre nia mort. <sup>22</sup>Mo ince sen sai: Döt, do ci che te preies l'edio, él el che te dará. <sup>23</sup>Gejú ti á dit: To fre ressoriará. <sup>24</sup>Marta ti á dit: I sa ch'al ressoriará dala ressozeziun l'ultimo de. <sup>25</sup>Gejú ti á respognü: lu sun la ressozeziun y la vita. Chel co crei te me viará, ince sc'al mör, <sup>26</sup>y vignönn co vir y crei te me, ne moriará mai. Creieste tö cösc? <sup>27</sup>Marta ti á respognü: Poa, Signur, i creii che tö es le Messia, le Fi de Dio, che dess gní te cösc monn. [...] <sup>39</sup>Gejú á dit: Toledé demez la pera! Marta, la so dal defunt, ti á respognü: Signur, al tofa belo, ciodich'al é belo le cuarto de. <sup>40</sup>Gejú ti á dit: Ne t'ai nia dit: Sce te creies, odaraste la gloria de Dio? <sup>41</sup>Spo á tut demez la pera. Mo Gejú á alzé sü edli y á dit: Pere, i te diji iolan, che te m'as ejaudí. <sup>42</sup>I sâ che tö m'ejaudesces dagnora, mo por la meja encer me ia l'ai dit, ciodich'ai dess creie che tö m'as mené. <sup>43</sup>Do ch'al á dit cösc, ál cherdé con usc sterscia: Lázarus, ví fora! [...]

### I ponsun do

*Ci n'él pa de chi co é morc? Ci sozedará pa con nos canche la mort met fin a nosta vita? La storia dla ressuscitaziun de Lázarus se dij che la potenza de Chelbeldio ne se röa nia tla mort: deach'i sun tuc sö tal amur de Chelbeldio viarunse.*



### I periun

*Beldio, con la mort y ressozeziun de to Fi s'él gnü scinché la vita. Fá ch'i t'encuntunse dertan le tomp dla penitonza pascala te che te s'as scinché la vita. Por Crist, nosc Signur.*

Wilhelm Egger "Sonntagsbibel"

📖 Letöres dla domegna dal orí | Festa dal ingres de Gejú a Ierúsalem:

Mt 21, 1–11 | Is 50, 4–7 | Fil 2, 6–11 | Mt 26, 14 – 27, 66

**Edema liturgica dai 02.04. ai 09.04.2017**

<b>DOM 02.</b>	<b>Cuinta domegna de Carsema</b> <i>Francesch de Paola, Maria d'Egit</i>
<b>08:30</b>	<b>gran messa</b> por dōta la ploania y devoziun a Santa Maria
<b>► 19:30</b>	<b>Via Crucis de dōta la comunité</b> <i>10 y 18 s.m. a Al Plan</i>
<b>Lön 03.</b>	<i>Richard, Elisabeth Koch</i> <b>de d'oraziun personala y te familia</b>
<b>Ded 04.</b>	<i>Isidor, Konrad, Heinrich Richter</i> <b>07:30 s.m.</b> en onú de Sant'Ojep por la familia Rovara, Plans <b>s.m.</b> por + Ernesto Trebo, Sauter
<b>Dem 05.</b>	<i>Vinzenz Ferrer, Crescentia, Iuliana</i> <b>► 19:30 funziun con les Staziuns</b> con l'Uniun dles Eres
<b>Jöb 06.</b>	<i>Zelestin, Sisto, Wilhelm - de d'oraziun do vocaziuns</i> <b>19:30 s.m.</b> dai crejimanc y scolari dla mesana <b>s.m.</b> por + Florian Baldissera, Roje <b>s.m.</b> por + Herbert Morlang, Parü
<b>Ven 07.</b>	<i>pröm vendres - Jan Baptist de la Salle, Albert   astinonza dla cern</i> <b>► 18:45 signor ploan va a proveder</b> <b>19:30 poscibilité da se pissié</b> <b>s.m.</b> por vis y +ti dla fam. Thomas Rubatscher, Festl <b>s.m.</b> por + Jep Rigo, Rara, <b>funziun al Sacher Cör</b>
<b>Sab 08.</b>	<i>Walter, Beata</i> <b>► 09:00 preparaziun y pissia da Pasca dai scolari dla scora elementara</b> <b>19:30 s.m. prefestia</b> por + Maria Carolina Willeit ved. Frontull, Mareo <b>s.m.</b> por + Burgele Agreiter, Meghita <b>s.m.</b> por + Irene Pescoll Erlacher, Plaza
<b>DOM 09.</b>	<b>DOMEGNA DAL ORÍ</b> <i>Waltraud, Konrad</i> <b>FESTA DAL INGRES DE GEJÚ A IERÚSALEM</b> <b>► 08:15</b> benedisciun dal belorí jö dal paiun, prozesciun te dlijia, <b>gran messa</b> por dōta la ploania con la Pasciun do San Mateo <i>10 y 18 s.m. a Al Plan</i>
<i>ampola:</i>	por + Anastasia Terza, d'André
<i>ministronc:</i>	<b>► da doman y domegna:</b> Johanna Konrater y Miriam Palfrader <b>► da sera y domegna:</b> Margit Brandlechner y Carolin Willeit
<i>i recordun:</i>	Emma Ellecosta Croni, Tront + 05.04.2009 Pire Mutschlechner + 08.04.2010

**Fá deplü fora dla Carsema – aziun dl'Unité Pastoral Val Badia**



**“Fá empara! A ci podessi pa renunzié?”**

L'Unité Pastoral Val Badia envieia vignönn y vignöna a fá deplü fora dla Carsema. Jenn fora da na parora dal Vangelo dla domegna metunse dant edema por edema na proposta concreta por valorisé danö la ligreza y la speranza liada ala Bona Noela. Les esperionzes pó gní partides con i atri les publichegn sön la plata facebook (Gruppe: Aktion Verzicht) o internet ([www.aktion-verzicht.net](http://www.aktion-verzicht.net))



**„Canche Maria á aldí cösc, éra atira loada sö y é júda da d'el“ – Jan 11,29**

Tan gonot ch'i á vertores por ne aldí nia le messaje dla Parora de Dio. I prói da loé sö da mia comodité y da me fá plü sterscia/sterch tla fede ince con santifiché le de dal Signur.



**Sonntagslobpreis an den Sonntagen der österlichen Bußzeit**

Guter Gott, Schöpfer allen Lebens, wir kommen zu dir, um dir zu danken und deine Größe zu preisen. Alles was ist, hast du ins Dasein gerufen. Abraham hast du herausgerufen aus seinem Volk und Vaterhaus. Dein Volk Israel hast du in der Wüste mit Wasser aus dem Felsen getränkt. Wir danken dir für alles Schöne und Große und für alles was unser Leben reich macht.



GEBETSMEINUNG  
DES PAPSTES FÜR

April

Wir beten für  
**die Berufung der Jungen** –  
Wir beten, dass junge Menschen großzügig auf ihre Berufungen reagieren und ernsthaft in Erwägung ziehen, sich Gott im Priestertum oder im Ordensleben anzubieten.

**La pordica dla munt cuntada ai mituns (11)**



**Dal fistide por les cosses emportantes**

Spo ti á Geju ciaré a chi co ascutâ sö y ti á mostré i ciöf co floria sot en len y lominâ der bel tal soedl:  
Ciaredi a chisc ciöf! Ai ne fistidieia nia de ci ch'ai á y de co ch'ai ciara fora. Y empó éσαι bi demorveia. Gnanca en re te sü guanc n'é tan bel co ei. Te chel momont jorâ na schira de vicí sora ei ia. Gejú a ciaré sö y á dit: Ciaredi ai vicí! Ai ne laora nia, n'abina nia adöm richezes y n'á degün scioldi. Nosc Pere sö al Ci ti dá da mangé y fistidieia ch'ai á da vire. Sce nosc bun Pere sö al Ci ciara belo tan dai ciöf y dai vicí – de ci desson pa nos se crüzié? No se damanede entres: ci desson pa mangé, ci desson pa cumpré, ci desson pa se iestí? Nosc Pere sö al Ci sá ci ch'i adorun. Empröma desses fistidié che dōtes les porsones pói conesce l'amur y la bunté de Chelbeldio; cösc é emportant. Spo fistidiará nosc Pere sö al Ci ince de ci ch'i mangiareis y se iestiareis.